

永平府志

地
130
134
112

地 130.63
134
112



永平府志卷之二十三

藝文志三

銘

秦始皇帝碣石銘

遂興師旅誅戮無道爲逆滅息武殄暴逆文復無罪庶心咸服惠論功勞賞及牛馬恩肥土域皇帝奮威德并諸侯初一泰平墮壞城郭決通川防夷去險阻地勢既定黎庶無繇天下咸撫男樂其疇女修其業事各有序惠被諸產久並來田莫不安所羣臣誦烈請刻此石垂著儀矩

騷

永平府志

卷之二十三

銘

樂神曲 八章

國朝 陳金駿

惟土之靈兮持功賦百職兮位居中爲萬物母兮被亨豐粒蒸民兮匪極易艱食兮鮮食春而稼兮秋而穡年復年兮遍萬國靈之來兮駕牛車草笠糾兮葛帶舒陳一豕兮

雙踰神醉飽兮遽遽

右先嗇神

草木滋華兮蔭廣畝繁百谷王兮爲神明壽吐芒兮穰穰垂頭兮旆旆瞻繡壤兮如雲紛葳蕤兮馥芬唯神之德兮資生無窮醉神以酒兮酌醴濃濃娛神以舞兮伐鼓逢逢

右司穡神

繫古之世兮飲血而茹毛與物競兮攘且勞唯靈兮降種



相陰陽兮布邱隴躬玉瑤兮陟巘舍東郊兮蔗藜羗功德
兮不知其量報神飲食兮粒粒糗糧唯神之惠兮永永無

忘右農神

嗟爾禹甸兮茫茫此有界兮爾有疆犬牙入兮雁齒排孰

耦俱兮無猜唯神之靈兮商度表樹兮繡錯望衡兮烟幕

爾無我詐兮我無爾虞薦神豚酒兮以為神娛右郵表
駉神

我倉兮我庾惡乎耗兮碩鼠惟神作兮虺怒聳金眸兮氣

警張玉距兮力猛必欲滅此以朝食兮五技莫逞保佑此

方兮永無損食神之福兮德威惟遠酬神之勞兮歲時日

晚右貓神

永平府志

卷之二十三

二

唯神於菟兮威四方其文炳兮為百獸王封豕兮長狼操

我稼兮害我場神驅使去兮無潛藏神之威兮蓋世神之

力兮莫制主此方兮寧遂崇神之祀兮歲復歲右虎神

神元冥兮莫居築堤防兮通溝渠早有備兮潦有儲神遠

來兮奚歎駕芙蓉兮蔑車導翠龜兮文魚惟神被澤兮惠

我無私嗟我民兮其敢敦思靈皇皇兮萃只舞儻儻兮醉

三福穰穰兮千百世只右坊水庸神

蟻蟻飛兮蠕蠕動羗不除兮衍而衆害我禾兮為我痛惟

靡之靈兮驅之遠方原田每每兮立我青秧不稂不莠兮

無疴無妨時雨兮時暘俾百穀兮登場惟神兮降康報之

兮肴蒸脂羊右昆虫神

賦

弔夷齊賦

明王世貞

盧龍故孤竹也城西有伯夷叔齊祠吳人王世貞奉使過此酌水酌焉而爲之辭

日余奉輜以東逝兮策馬放乎令支山噴岈而崑壘兮衆草贊萑而條緯俞兒道余於卑耳兮武夫磷磷其叅差曰青帝之握樞兮顛改煦沈寥而憺悽元官承雲而黜對兮僉告余二子之所都羌回慮以返照兮澳沁躋靡而內疑足次且欲卻兮又雀躍而前趨段舍光劇余之素兮挽清

永平府志

卷之二十三

賦

三

冷使濯余之歲晏招沆瀣以醞醴兮晷朝霞以爲餵餽噓元冥之竅機兮噫噫拊歌之憤愴受哀絃於太娥兮涓延和之以清商靈蕭蕭而若睹兮冀回熒燭乎微躬又愴悵其不可卽兮掌夢疏帝以奚從眺孤竹之亶曼兮台要靈以故妨生剝舉而脫屣兮寧鬱鬱處彼幽方溟波委輪滅貉兮箕蒙難而延宗靈庶借以翔遊兮語侏離而不可通北海泱漭靈所辟兮受淳涵使不得寧將岐豐沃以愉兮靈又薄周德而莫宮諸昆綿延具區兮太虞夷猶於其旁羌德配而耦娛兮靈謂狎附乎周盟陂陀首陽忽彙寧兮益薇以荃之芬芳靈閭闔而下臨將緲駕以憩息掌夢申

申以表誠兮豐隆與而來假寬車殷殷以翩續兮皎雙鴻
之次翼匪寶璐而陸離兮含離芷以彌馥介九賓而見予
兮祝史要予以靡忒伯從父以成命兮叔違親以成德俶
舍君以明志兮旣殉主以明極昔巢父之讓皇兮托勲華
而稍佚尹五就而拯塗兮愀然面故主以惶怩謂題跂以
死名兮莊任誕而廢節遷曉曉於冀尾兮嗜微聲之有托
彼纍修辭而求白兮卒牢慄沉乎湘澤釋鄒人之無怨兮
廼從容於天則世滔滔而悲涌兮戰伐莽其相仍顧蒿目
以揆攬兮競含沙而蠱光騶虞草以伏食兮於菟誇咀夫
衡主陽鱗之齧織鱗兮偃蜺神龍以自矜靈旣悼農虞之
永平府志

卷之二十三

賦

四

忽沒兮氓躑躅而殷慕愧突梯之苟容兮將捐足乎靈御
胡司命之不晰微兮抑餽糈以昏鶩盼媼娥之要渺兮涓
濁軀而不及顧

觀海賦

明陳士元

元黃肇分一六凝質溟瀚呈靈函維翰極北包窮髮南控
炎溢西環聚窟之洲東浴扶桑之日曼倩之記不能詳元
虛之篇不能畢也若有蓬瀛仙子周遊歷邁八埏九垓無
往不屆乃濯足於北平之濱尺度乎東渤之派望洋吐詞
卽小喻大四海之廣固可想像其形依稀其概也曰惟茲
裊海幽冀之陬浸碣石薄萊州掩朝鮮縈遼邱爾乃洪波

石臼坨賦

國朝黃倫

維海陽之廢縣爲渤碣之奧區星載箕尾之度野分析木
之隅出鎮海之郊門距三舍而有餘敞平原之百頃環滄
海以爲居地雖廢壤境實名墟惟象形而若曰乃肖象而
名諸秋濤洶洶春水溶溶夜月沉碧朝曦浴紅賈舶漁舸
出沒乎其外琳宮梵宇羅列乎其中泉旣甘而覺爽村亦
古而堪風漢武雄心兮寄遺踪於縹緲羨門高路兮傳佳
話於空濛論曰坨之勝概靡筆舌而能窮若乃麗景乍開
波光甫動驪空輝生鮫人采貢穀文疊處蠹彩嘯於洪濤
樹影紛時走龍蛇於瀕洞由是羲轡舒颺輪運海若藏天
永平府志 卷之三十三 賦 六

吳遜魚蝦千種噴沫爭奇蛟蜃百靈潛逃効順迨至崦嵫
日掛海嶠雲收雁棲葦澤漁唱葭洲十里平沙半途青草
數家烟火殘照荒邱梵磬悠揚兮咽潛龍於水底飄風震
蕩兮出魑魅於隴頭斯又晦明風景之不同舉而繪之悉
海上之謬悠至若露濡銀井潮退江臯臨三岔之淺瀨駕
一葉之輕舸舟藏絕港網撒長濤長鱸兮得細鱗之美子
魚兮羨通邱之褒鏡深房之牡蠣持郭索之巨螯香凝石
乳腹滿金膏文魚石拒海唇香螺論曰坨之土產實珍異
之爲多貢都門之豪貴悉此地之餘波嗟嗟地以人而顯
亦以時而韜矜茲勝壤僻在東臯職方之所不載聖喆之

所罕遭訪遼金之故事駕樓櫓於層濤雖宿兵於嶽外每
輻輳而爭塵春或有脚地已不毛寄傳聞於勝島徒弔古
兮空勞

落星石賦

以物華天寶人傑
地靈爲韻并序

國朝

孫祥鳳

永平府學署中有石一拳色相較殊傳爲落星所凝雖
無確考然星隕爲石見於載記者屢矣則茲石之爲落
星諒亦不等於無稽辛卯壬辰間頻與王蓮溪進士遊
顧而樂之因爲之賦曰

挹一拳之突兀兮何光怪而陸離瞻萬點之寒芒兮獨盤
紆而峩鬱崛起則欲比瑤簪綺散則疑分霞蔚豈躡窟以

永平府志

卷之三十三

賦

七

高探竟引袖而下拂無勞月斧追琢漸以成章疇斲雲根
精氣凝而爲物粵稽夜朗瑤樞仰珠光之燦爛流名天雁
占車甲之菁華方霄漢之昭回攸好旣殊其風雨何膺原
之隳落賦形竟等諸肺嘉計數以書載在子宋之野命名
而紀聿稱彭蠡之涯非載鼇之浮於渤澥豈支機之來自
仙槎維茲青龍澤畔射虎山前學舍如舟新喜文昌之入
寒壇獨冷嘗分太乙之然忽自三霄而破塊曾輝五色以
補天窈冥崢嶸瑞氣遙連黃道嶙峋峇峇榮光直接魁纒
爾其窳者如窳凸者如島突怒如奔斜傾如倒非苔丹兮
若斑非蘚駁兮若藜寧同晉國之能言疑是穀城之逸老

隴嵒崛壘高不及於尋常綿亘表延周僅可以合抱帶銀
鑠之末光增黃輿之瓌寶蓋惟來從雲闕宜其品軼風塵
遙應孺星而峙儼同石鼓之陳倘或制以爲磐應覆書於
天柱假使漱及其齒且厲節於羣倫呈萬態於慶雲曾何
硯礫勝五如於江岸奚患磨磷韞玉兮耀彩鸞旂洵足輝
聯東壁出金兮和聲絃誦欣占里聚賢人於時啟將絳帳
旣深賞夫嶽崎集得青衿亦共欽其竦傑秉宿海以鍾英
與泮池而方潔擇勝地以安排就廣居而特設鎮茲義路
愛瑟若之堅膚位置禮門凜介如之貞節可但比鬱林以
同廉未妨與乖崖而並拙固堪爲簪紱之鍼砭亦足資史
永平府志

卷之三十一

賦

八

乘之採擷居嘗慨想前徽遐稽舊志越履蜀鏡幻化長留
李踞陶眠醉醒傲寄雖皆標勝蹟於簡編祇以供耳目之
游戲奚如茲石之含章本自列星而擲地蹲踞綺榭客來
欲整米袍兀立雕欄露坐訝臨益使乃爲之歌曰明星熒
熒兮麗紫冥維石巖巖兮擘巨靈在天成象兮在地成形
彼君子兮介石是銘誠共體斯意兮以砥礪而礪礪寧惟
象勾陳之環衛爲畿輔之藩屏行見作
皇朝之柱石卽

聖世之景星

遊水岩寺賦

以溪聲長廣山
色清淨爲韻

國朝

趙大奎

邑城之北縣廓之西水環斷嶺岩傾幽溪花雨溟濛逗禪
堂於古岸香烟杳靄通僧院於幽蹊此誠會巖壑之佳境
號勝地於昌黎也原夫涼風有韻冷露無聲索居何緒兀
坐何營寧乏尋幽之意因餘躋勝之情非訪異僧冀幽閒
而消俗慮豈尋老衲欲徜徉而洗塵纓爾迺巾車紗幔駑
馬絲繩行欹斜而得雲路歷險僻而見山梁志雅開山倚
斷澗爲淨土功深面壁藉碎石爲圍墻啟十八之圓通鐘
聲寂靜厥大千之世界梵響深長于以倒捫蘿藤斜披榛
莽俯聽殘溜地險澗危仰矚奇峯石橫嶺廣越砂超澗溪
雲拂衣而來登碣穿岩松風吹人而上當波轉峯迴之際
志意清幽值山明水秀之間心神精爽兼之甘梨堪挹酸
棗可攀木瓜綠暈蘋果紅斑不羨孤梅標清癯於大嶺詎
欣叢桂堆金粟於小山信玉砂瑤草之境誠桃源蓬島之
灣更有溪鳥舒翎山禽奮翼潭鏡涵光石屏生色牧笛隨
風來南樵斧穿雲過北或相呼語振雲樹而皆聞偶作嘯
歌隔平林而未息是以遊人響集逸客景行或效蘭亭競
流觴於曲水或訪金谷相拈韻而題名雖非雪夜之思興
濃王子不減陽春之景思逾李生成爲志逸共覺神清迨
至手掬清漣言探崇淨水橫塔影留日景之斜明山掩臺
形分霞光而倒映共言返轡尙覺依迴與話旋車猶深涵

沃聊爲濡翰以申逸曠之思因是揮毫用誌幽閒之性
詩 歷朝

碣石篇

魏武帝

東臨碣石以觀滄海水何澹澹山島竦峙樹木叢生百草
豐茂秋風蕭瑟洪波湧起日月之行若出其中星漢燦爛
若出其裏幸甚至哉歌以詠志

孟冬十月北風徘徊天氣肅清繁霜霏霏鷓鴣晨鳴鴻雁
南飛鷺鳥潛藏熊羆窟棲錢鏹停置農收積場逆旅整設
以通賈商幸甚至哉歌以詠志

鄉土不同河朔隆寒流澌浮漂舟船行難雖不入地豐籟
永平府志 卷之二十三 詩 十

深奧水竭不流冰堅可蹈士隱者貧勇俠輕非心常歎怨
戚戚多悲幸甚至哉歌以詠志

神龜雖壽猶有竟時騰蛇乘霧終爲土灰老驥伏櫪志在
千里烈士暮年壯心不已盈縮之期不但在天養怡之福
可得永年幸甚至哉歌以詠志

觀滄海

魏武帝

六神諸山淪漣大壑北風勃來簸蕩不息帝命巨鼇更負
危揭冠簪東出以爲碣石燭龍雙眸以爲日月下苞蒼蒼
浩蕩靡極幸甚至哉歌以詠志

望首陽

晉 阮 籍

一曰上京觀... 有採薇士上有嘉樹林

望海

隋煬帝

碧海雖欣矚金臺空有聞遠水翻如岸遙山倒似雲斷濤
還共合連浪或時分馴鷗舊可狎卉木足為羣方知小姑
射謠復語臨汾

奉和望海

隋虞茂

清蹕臨溟漲巨海望滔滔十洲雲霧遠三山波浪高長瀾
疑浴日連島類奔濤神遊藐姑射睿藻冠風騷徒然雖觀
海何以效涓毫

於北平作

唐太宗

永平府志

卷之二十三

詩

士

翠野駐戎軒盧龍轉征旆遙山麗如綺長河縈似帶海氣
百重樓岩松千丈蓋茲焉可遊賞何必襄城外

春日望海

唐太宗

披襟眺滄海憑軾翫春芳積流橫地軸疏派引天潢仙氣
凝三嶺和風扇八荒拂潮雲布色穿浪日舒光照岸花分
彩迷雲雁斷行懷卑運深廣持滿守靈長有形非易測無
源詎可量洪濤經變野翠島屢出桑之采思漢帝碣石想
秦皇霓裳非本意端拱且圖王

奉和春日望海

唐楊師道

春山臨渤海征旅輟晨裝迴瞰盧龍塞斜瞻肅慎鄉洪波

迴地軸孤嶼映雲光落日驚濤上浮天駭浪長仙臺隱螭
駕水府泛龜梁碣石朝烟滅之罘歸雁翔北巡非漢后東
幸異秦皇塞旗羽林客拔距少年場龍擊驅遼水鵬飛出
帶方將舉青邱檄安訪白霓裳

觀海

唐 獨孤及

北登渤海島回首秦東門誰尸造物功鑿此天地源瀕洞
吞百谷周流無四垠朗然混茫際望見天地根白日自中
吐扶桑如可捫迢迢蓬萊峯想像金臺存秦帝曾經此登
臨異飛翻揚旌百神會望日羣仙奔徐福竟何成羨門徒
空言惟見石橋足千里潮水痕

永平府志

卷之二十三 詩

十三

送鄭少府入遼共賦俠客遠從戎

唐 駱賓王

邊烽警榆關俠客度桑乾柳葉開銀鏑桃花照玉鞍滿月
臨弓影連星入劍端不學燕丹客空歌易水寒

送著作佐郎崔融等從梁王東征

唐 陳子昂

金天方肅殺白露始專征王師非樂戰之子慎佳兵海氣
侵南部邊風掃北平莫賣盧龍塞歸邀麟閣名

送著作佐郎崔融等從梁王東征

唐 杜審言

王行出將書記遠從征祖帳連河闕軍麾動洛城旌旗
勢氣振 吹夜邊聲坐覺烟塵掃秋風古北平

古邊俠 將軍請將

唐 崔 顥

少年負膽氣好勇復知機仗劍出門去孤城逢合圍殺人
遼水上走馬漁陽歸錯落金鎖甲蒙茸貂鼠衣還家行且
獵矢去速如飛地迴鷹犬疾草深狐兔肥腰間帶兩綬轉
盼生光輝顧謂今日戰何如隋建威

遼西作

崔顥

燕郊芳歲晚殘雪凍邊城四月青草合遼陽春水生胡人
正牧馬漢將日徵兵露重寶刀濕沙虛金鼓鳴寒衣著已
盡春服與誰成寄語洛陽使爲傳邊塞情

燕歌行

唐高適

開元三十六年客有從元戎出塞而還者作燕歌

永平府志

卷之二十三詩

十三

行以示適感征戍之事因而和焉

漢家烟塵在東北漢將辭家破殘賊男兒本自重橫行天
子非常賜顏色搃金伐鼓下榆關旌旆逶迤碣石間校尉
羽書飛瀚海單于獵火照狼山山川蕭條極邊土胡騎憑
陵雜風雨戰士軍前半死生美人帳下猶歌舞大漢窮秋
塞草腓孤城落日鬪兵稀身當恩遇常輕敵力盡關山未
解圍鐵衣遠戍辛勤久玉筋應啼別離後少婦城南欲斷
腸征人薊北空回首邊庭飄飄那可度絕域蒼茫無所有
殺氣三時作陣雲寒聲一夜傳刁斗相看白刃血紛紛死
節從來豈顧勳君不見沙場征戰苦至今猶憶李將軍

塞上

高適

東出盧龍塞浩然客思孤亭堠列萬里漢兵猶避胡邊塵
滿北溟胡騎正南驅轉鬪豈長策和親非遠圖惟昔李將
軍按節臨此都總戎掃大漠一戰擒單于常懷感激心願
效縱橫謨倚劍欲誰語關河空鬱紆

別馮判官

高適

碣石遼西地漁陽薊北天關山唯一道雨雪盡三邊才子
方爲客將軍正渴賢遙知幕府下書記日翩翩

出自薊北門

唐李希仲

旄頭有精芒胡騎獵秋草羽檄南度河邊庭用兵早漢家

永平府志

卷之二十三 詩

西

愛征戰宿將今已老辛苦羽林兒從我榆關道

出自薊北門行

唐李白

虜陣橫北荒胡星耀精芒羽書速驚電烽火晝連光虎竹
救邊急戎車森已行明主不安席按劍心飛揚推轂出猛
將連旗登戰場兵威衝絕幕殺氣凌穹蒼列兵赤山下開
營紫塞傍孟冬風沙緊旌旗颯彫傷畫角悲海月征衣卷
天霜揮刃斬樓闌彎弓射賢王單于一平蕩種落自奔亡
收功報天子行歌歸咸陽

地志集畧平州在赤山之東

後出塞

五首之一

唐杜甫

獻凱日繼踵兩蕃靜無虞漁陽豪俠地擊鼓吹笙竽雲帆

轉遼海粳稻來東吳越羅與楚練照耀輿臺軀主將位益
崇氣驕凌上都邊人不敢議議者死路衢

贈裴將軍旻時守北平

唐顏真卿

大君制六合猛將清九垓戰馬若龍虎騰陵何壯哉將軍
臨八荒烜赫耀英材舞劍若游電隨風縈且迴登高望天
山白雲正崔嵬入陣破驕胡威名雄震雷一射百馬倒再
射萬夫開匈奴不敢敵相呼歸去來功成報天子可以畫
麟臺

同孫構免官後登薊樓

唐張謂

昔在五陵時年少心亦壯嘗驚有奇骨必是封侯相東走

永平府志

卷之二十三 詩

十五

到營州投身事邊將一朝去鄉國十載履亭障部曲皆武
夫功成不相讓猶喜胡塵動更取林慮帳去年大將軍忽
負樂生誇北別傷士卒南遷死炎瘴溲落悲無成行登薊
邱上長安三千里日夕西南望寒沙榆塞沒秋水灤河漲
策馬從此辭雲山保閑放

邊庭怨

四首之二

唐盧弼

春衣昨夜到榆關故國烟花想已殘小婦不知歸未得朝
朝應上望夫山

盧龍塞外草初肥燕乳平蕪曉不飛鄉國近來音信斷全
今猶自著寒衣

盧龍塞行送韋掌記

唐錢起

兩雪紛紛黑山外行人共指盧龍塞
萬里飛砂咽鼓聲二軍殺氣凝旌旆
陳琳書記本翩翩料敵張兵奪酒泉
聖主好文兼好武封侯莫比漢皇年

塞下曲

唐戎昱

北風凋白草胡馬日駸駸夜後戍樓月
秋來邊將心鐵衣霜雪重戰馬歲年深
自有盧龍塞烟塵飛至今

傷溫德彝

唐溫庭筠

昔年戎虜犯榆關一破龍城匹馬還
侯印不聞封李廣他人邱隴似天山

永平府志

卷之二十三 詩

六

首陽山

唐胡曾

孤竹夷齊恥戰爭望塵遮道請休兵
首陽山倒為平地應始無人說姓名

送友人出塞

唐薛能

榆關不可到何況出榆關春草臨岐斷
邊樓帶日閑人歸穹帳外馬發廢營間
此地秋堪想霜前作意還

民謠為平州刺史田仁會歌

唐無名氏

父母育我兮田使君挺精誠兮上天聞
中田致雨兮山出雲倉廩實兮禮義申
君常在今兮不患貧

題虛池驛屏風

唐宜芬公主

出嫁辭鄉國由來此別難聖恩愁遠道行路泣相看沙塞
容顏盡邊隅粉黛殘妾心何處斷他日望長安

題夷齊廟

宋 司馬光

夷齊雙骨已成塵獨有清明日日新餓死溝中人不識可
憐今古幾多人

詠史懷夷齊

宋 王十朋

避紂窮途北海濱歸來端爲有仁人武王不聽車前諫餓
死西山志亦伸

晚登遼海亭

金 高士談

登臨海面灑清風竟日憑闌興未窮殘色樓臺山向背夕

永平府志

卷之二十三 詩

七

陽城郭水西東客情到處身如寄別恨他時夢可通自嘆
不如華表鶴故鄉長在白雲中

平州中和館後草亭

金 李晏

藤花滿地香乃在松影拂雲寒未收山鳥似嫌遊客到一
聲啼破小亭幽

題道者山

元 宋綱

茲山介平營時與太古存碣石拱其側水巖何足論東北
醫無閭羅列爲弟昆

灤河吟

元 宋本

灤河上游漉漉滑僅如帶偏嶺中橫渡復遶行都外頗聞

會衆滌旣遠勢滂沛雖爲禹貢遺獨與東海會乃知能自
致天壤無廣大

首陽望雪

元陳賡

天風吹瓊瑤白冒首陽頂欲和採薇歌千山凍雲冷

首陽望雪

元段成已

薇歌一曲對青山萬古千秋老翠巒望斷空崑人不見光
搖銀海玉峯寒

采薇圖

元盧摯

服藥求長生孰與采薇子一食西山薇萬古猶不死

喜逢口

元許有壬

永平府志

卷之二十三 詩

六

俗爲父求子而逢之于此猶望夫之有石也雖莫
究其年代名氏而其言有足感人者故作是以記
之

兒寒解衣重撫摩兒飲與食孰忍訶長成與國遠負戈一
去不返當如何去時云戍東北鄙直出榆關度遼水白頭
郎罷與影俱豈憚山川千萬里天教此地適相逢父曰從
天墜吾子笑疲樂極俱殞身誰謂情鍾遽至此官家開邊
方未已同生又別寧同死山雲漠漠風颼颼山頭雙塚知
幾秋當時不忍一朝別今日翻爲千古愁猶勝貞女化爲
石終古孤身雙不得清江寒影日悠悠行人一去無消息

東水岩寺

明王翺

未到仙人頂先登道者山興隨流水遠意共野雲閒鶴唳
空冥外鐘聲疊嶂間追遊賴朋友杯酒話禪關

過汀流河

明方經

灤水朝宗一派流寒烟蕭索古津頭雞鳴遠浦家家月漁
老空磯處處鷗將伴沙邊人待渡忽呼江上客同舟西風
回首中流楫桐葉蘆花兩岸秋

山海關

明馬文升

會聞山海古榆關今日經行眼界寬萬頃洪濤觀不盡千
尋絕壁畫應難東封遼地三韓險西固燕京百世安來歲
永平府志

卷之二十三 詩

七

新正還旆日擬圖形勝獻金鑾

秦皇島

明邵達

徐福樓船去不廻鑿輿會此駐叢臺千尋浪拍紛如雪萬
疊潮來吼似雷草樹尙然籠碧嶂烟霞依舊鎖蒼苔追思
漫憶長生藥回到沙邱事可哀

圍春莊雜感

明蕭顯

三十年來走宦途乞歸白髮半頭顱依山結屋塵偏靜臨
水觀魚興不孤野老崎嶇尋橡實林僧談笑斷松腴離家
復作還家夢一夜團欒骨肉俱

一片石次孫洙濱韻

明翟鵬

開國資元老中山獨壯猷奇勛歸太史遺像肅荒陬宿露
迷寒戍陰風起暮愁不堪惆悵處悲角咽樓頭

鎮東樓

明龔用卿

齊雲結飛閣跨嶺限虹橋積水平河漢憑欄望海潮蛟龍
從變化鵬鶚任扶搖欲借凌風翼翺翔上九霄

角山寺

明黃景夔

古寺亂峯裏嵐光四映碧出城指郊路游賞恣所適俗吏
苦紛拏久抱山水癖躋高力未倦愜願如有獲遠蹈想幽
人安得卜一宅曲徑便通樵蕨長柔可摘白晝鳴林禽寒
發汲泉脉藤蘿縈崖樹巽巖掛石壁信步陟絕巘去天不
盈尺瀕河觀海氛光景相薄射曠哉此時懷迴與塵世隔
長風吹襟袖清嘯萬里客

永平道中

明王世貞

盧龍左馮翊白馬舊安西浴日滄溟小摧天碣石低虎沉
飛將羽龍出慕容題驅傳令支塞問津卑耳溪荒祠孤竹
並讓國大名齊引首哀兵鏃沾膺愧馬蹄榆關秋一帶慎
莫動征鼙

盧龍署中偶成

王世貞

朱簾翠箔過楊花睡起中庭日未斜却似深閨嬌小婦樓
頭癡坐怨天涯

盧龍署中有寄

王世貞

山城小雨鷓鴣啼楊柳辭寒綠正齊我夢春闈獨不見怕
乘雲雨過遼西

碣石篇

四首之三

明李攀龍

碣石中怒滄海北倚元氣吐欲若偃若起長風相薄跳波
千里懸流冒顛天漢外紀地軸高標轂轉白日與齊俱入
與汨俱出

委蛇者河千里一曲方之舟之匪芻伊粟太行詰屈西北
是經車轍馬迹日不遑寧於鑠聖人依其在京差次吏功
郡國以成

永平府志

卷之二十三 詩

三

羽翼未就鴻鵠徘徊神龍失水螻蟻所裁珠不暗投劍不
倒持能弗用利勿處於疑高才者妬匪但其人逃名避世
以保其身

塞上曲送王元美

李攀龍

白羽如霜出塞寒烽烟不斷接長安城頭一片西山月多
少征人馬上看

燕山寒影落高秋北折榆關大海流馬上白雲隨漢使不
知何處不堪愁

喜峯口觀三衛貢馬

明唐順之

貢道走東胡關門控北都每逢金鏡節來獻玉驄駒曾長

花當後山川松漠紆天衣賜虬蟒國馬出駒駝乞賞孫隨
祖專兵婦代夫珥璫珠錯落襁褓錦氍毹槃舞呈鞞革侏
言譯象胥白狼回黑水作通衢

登喜峯古城

唐順之

絕頂孤峯見廢關短衣落日試躋攀三秋豹旅方乘障萬
里龍媒正滿山時三衛貢馬散牧關外候鴈似隨鄉思去寒花將送
使臣還籌邊迂薄真無補空望伊吾抵掌間

山海關晚眺

茫茫沙磧古幽州日落烏啼滿戍樓萬雉倒垂青海日雙
龍高映白榆秋虎符千里無傳箭魚鑰重關有扞揶自古

永平府志

卷之二十三

詩

三

外寧多內治衣袂應軫廟堂憂

陪唐荆川職方王岸泉觀察過關

長城古堞瞰蒼瀛百二山河擁上京銀海仙槎來漢使玉
關衰草戍秦兵星臨尾部雙龍合月照平沙萬馬鳴聞道
飛羽急書生直欲

折楊柳

明薛蕙

三月盧龍塞沙中雪未乾朝來折楊柳春色憶長安

澄海樓

即知聖樓係觀海亭改建

明張登高

石勢參差一徑通捫蘿長望海天空亭高下看扶桑日野
曠平臨太乙宮雲起波濤飛几席潮來風雨滿簾櫳行吟

洞口青冥上十二樓臺暮靄中

過永平謁孤竹祠未果

張登高

長河行曲抱城隈萬古清風一舊臺讓國幾聞陵谷變採
薇今見廟庭開寢園松老巢元鶴古道碑殘長綠苔奉祀
未能瞻聖跡羞將簪弁戀塵埃

天馬山

明 傅光宅

倚劍登天馬冷然御遠風乾坤雙眼外今古一杯中怪石
懸疑墮晴濤望若空烽烟清萬里白日海雲紅

塞上歌送王侍郎赴薊鎮

明 宗 臣

榆關北望陣雲高五月天風吹戰袍共說總戎王相國十

禾平府志

卷之二十三 詩

三

年身佩呂虔刀

觀海亭

明 李學詩

迢遞關東道留連海上亭片雲迴島嶼孤鶴下山城浪漫
濠梁意風流斗酒情浩歌看落日塵世一浮萍

角山寺

明 陳 綰

每日城中見角山人山始覺遠人寰松雲細裊龍宮靜石
蘚斜侵鳥道斑殿閣影從滄海落梵鍾聲度碧空還關門
吏隱無多事猶羨僧齋盡日閒

榆關

陳 綰

漢塞秦關控海隅長城千里為防胡月明滿地無傳箭靜

璚軍中夜博虛

榆關東去是管州門外車輪似水流夜半邊聲吹鬢粟何人不起望鄉愁

顯功廟

陳綰

太傅提兵出塞還更因榆塞起榆關石驅到海南成堞壘築連雲北倚山遼水至今來鞞鞬薊門終古鎮窳顏歲時伏臘猶祠廟麟閣勲名孰與班

古店甘泉

明馮餘慶

海水從來苦涓流味獨醇蒼茫傳古店汲測只漁人碧嶼寒潮迴青渠宿草新吳帆應斷目遮莫太平春

永平府志

卷之三十三 詩

十四

偏涼汀

明高擢

鑿石通周道臨流構短楹層雲羃嶺翠落日映沙明野寺山腰迴長江檻外橫凭闌遙對月萬古有餘清

望漕母店

明盧耿麒

島上人家夜泊船舳艫灣處水茫然海門一片清波月唯見沙邱青草連

題李令尹園亭

幾株垂柳幾叢花籬色瀟瀟映水斜秋社可傾陶令酒春田宜種邵平瓜窻開窈窕迎纖月簾捲依稀見落霞海上三山誰可到便知閑地亦仙家

孤竹懷古

鎬京商邑總蒿萊千載何人弔墨胎啼鳥似傷人世改野
花還向故園開荒城隱隱水聲去古殿歸歸山勢來一望
凄然成曠感塵車欲發更徘徊

開平王廟成應制

明 劉子華

揮戈十載定河山忽報星沉易水灣馬首西風旌旆捲天
涯落日凱歌還功成楚漢興亡際名在韓彭伯仲間翊贊
聖功思獨苦黃金直欲鑄真顏

撫寧道中榆關驛有感

明 董 越

曉別撫寧郭天低海氣連蒼茫初出日慘淡未收烟茅屋
永平府志

卷之三十三

詩

三五

角山寺

明 馬 駿

夙抱烟霞癖無緣脫鞅掌百慮蕩內機庶事勞外像忽忽
青陽暮遙憶山林賞薄言尋蹊壑所希絕塵網佳氣紛鬱
葱寶地開虛敞泉聲清且幽物色何駘蕩莓苔染堦碧松
露滴石響舉觴臨東風悠然任來往長歌故徘徊古洞恣
偃仰歸來憇空堂芳樹日初上

塞下曲

明 伊介夫

團亭北去是灤河往歲 飲馬多今日軍中有飛將帳
房遠徒過沙陀

出關

明 崔廷槐

關吏開金鎖郵人控玉珂三韓遼社稷五鎮漢山河白草
荒原合黃雲古戍多從今滄海上萬里不揚波

盧龍道中

明 谷繼宗

白雪盧龍道青瑣使客車日瞻滄海近雲帶碧山斜烽火
宵傳警材官曉建牙 王能 歸及報重華

宿七家嶺驛

谷繼宗

野館停車騎青燈照綺羅聞鐘疑近闕振袂想鳴珂夜久
霜華重山高月色多郵人戒明發鼓吹渡灤河

謁夷齊廟

明 韓應庚

永平府志

卷之二十三 詩

三

清聖非苦節迺見綱常先君父固攸重子臣情堪憐此情
不有已奚恤後譽延邈矣採薇事市朝已數遷誰招餓夫
魂廟食首陽巔寒松覆碧瓦古殿生黃烟遺像儼生存咫
尺手足連拱拜瞻容色恭遜藹周旋盤無周室粟隴有洞
山田粢盛戒清醑伏臘擊肥鮮光燦北海濱歷歷三千年
高風自長久汚世空顛沿所以嗟貪夫身沒名弗傳

釣臺

韓應庚

結榭青山裏棲遲得自由困來眠小榻興到駕輕舟事業
慚鳴鳳生涯嘆拙鳩塵纓何處濯臺下有清流

永平道中

明 吳鵬

疎雨未滑道秋風隨使輶磴危頻下馬溪斷不逢橋板屋
居何陋蒲蠻習更驕暝投孤館宿寂寞聽鄰簫

練武太平守將王君祿邀登南廟望北山古刹乃二
十年前舊遊處也感懷賦此

明 戚繼光

憶昔從戎向北陞重來持節鬢成絲夜懸炎海烽烟夢時
聽巖關杖杜詩古戍寒雲過鍊馬中原晴日閃牙旂安危
賴有諸君在酌酒還期下月支

景忠山景忠廟

戚繼光

冰霜誰識抱關情三輔河流一洗兵樓閣晴懸新氣象桑
麻色起舊屯營龍迴地軸開戎幕水合天門駐漢旌天下
永平府志

卷之二十三

詩

七

奇才今不見願留方畧佐金城

塞上和韻

戚繼光

飛羽遼河上移軍灤水東前驅皆大將列陣盡元戎夜出
榆關外朝看朔漠空但期常獻馘不敢望彤弓

大將砲名
元戎車名

集宛在亭

明 蕭如薰

雅有登臨興言尋別墅遊溪流通廣陌村樹帶前洲度曲
行杯緩看山入座幽野鷗如夙約相傍共悠悠

改席移舟晚中流雜鼓聲高林催月上短棹入波平飄靄
茶烟細微茫野火明今朝出城郭暫覺此身輕

遊俠兒呈同鄉陳叅將郭都閩

明 陳 第

江北多俠兒江南兒更俠朝向長安道暮出陰山獵弦動
鷗鷹愁旌飛壯十載守雄關威名何震懾不數古人
勛猛樹中興業碩畫已垂成謗書忽盈篋去日逢春華歸
來落秋葉涕泣謝知交笑譚散僕妾馬首囊雕弓腰間仗
長鋏仰天嘆旄頭壯志猶未厭矯矯雙龍起定奏燕然捷

贈郭建初

明于達真

塞客衣單露始零風高木落水天清烏啼橫海將軍幕人
識江湖處士星薊史一編存往蹟燕然萬里勒新銘莫愁
旅病無供給波滿寒塘月滿庭

三屯呈戚官保

明陶允宜

永平府志

卷之二十三 詩

天

薊門往事震京華十六年來靜不譁路出萬山通鳥道城
懸千嶂壓龍沙空中雲影連樓閣夜半鐘聲動鼓笳老將
莫憐心力破金湯終古在皇家

歸次盧龍

明陸彥章

帝城東抱海山重迢遞單車出萬峯秋色長風吹白鴈歸
心落日下盧龍

半月坨

明曹司牧

水中見月月月初弦天水相涵月與連夜半不知明月上半
呈坨影半還天

祥雲島

明潘敦復

海岸山嵐接曙霞雲間日影暗金沙潮聲夜入鮫人室柳
色春藏漁父家碧落樓臺騰蜃氣清溟濤浪滾霜華誰開
萬里梯航路隱隱東南一道斜

出榆關逢徵兵使人作

明馮惟訥

聞道雲中將先秋戒鐵衣虎符千里至龍騎五營歸夜月
明雕戟山風曳畫旆誰憐瀚海外

駐金微

長春官

明高吉昌

故宮鴟瓦紀遺樓桮淀斜陽水尚流八部國殘誰有限十
香人艷自生愁珮環似聽松聲在奩鏡虛疑檻月留莫嘆

回心空署院玉環飛燕總荒邱

海陵會三
幸春水

永平府志

卷之二十三

詩

无

烽火寺

明徐汝勳

尋芳直上翠微間梵宇瀟瀟出半山詩罷酒闌遊客去白
雲依舊伴僧閒

山海關贈張職方

明秦夔

燕雲百二擁皇都萬里邊城入畫圖到海有山皆設險入
關無吏不持符詩書已足懷殊俗籌策還看翼廟謨聞說
秋高戎馬健也須辛苦事

都山雪霽

明朱吉

同雲凍合天一色鳥不高飛苔石裂朔風捲海聲如雷一
夜都山滿頭雪千巖萬壑光玲瓏瓊臺瑤室開仙宮是中

可望不可到安得一訪浮邱翁

海樓篇

明 華善述

上客且歸休我歌送行舟君家近東海海中有瀛洲瀛洲
不可見但見金銀樓此樓誰為之無乃蜃氣浮相望邈無
梁引領成悲愁

出盧龍塞

明 梅國楨

曉風匹馬渡灤河極目 天感慨多近塞 營還歷亂彌
山雉堞自嵯峩林間殘雪經春凍峽口孤雲帶雨過不少
謀臣憂社稷只應暫許到支和

殫忠樓

明 孫承宗

永平府志

卷之三十三

詩

三

縹緲憑高百尺頭籌邊何暇坐銷憂目窮江樹家千里笛
倚風檐月一鈎藻井幕天開雁陣鬢雲結市失龍湫白山
黑水棖楹外玉帳蕭蕭萬壘秋

夕陽泛舟

明 高第

扁舟乘夕照萬頃欲凌之水映天如動波迴岸自移探奇
常載酒躡險更題詩逸興歸猶劇江空覺月隨

塞上

明 杜涓

旌旗當落日絕塞陣雪橫曉角驚寒雁孤烟照暮城河水
驅馬渡隴草亟人行戰骨悲沙漠年年古北平

宿喜峯口城樓

明 王演

萬里秋風暮華 到此分幾年望紫塞今日宿黃雲片月
臨關見孤軍整柝聞燕歌爭勸酒強飲不成醺

都山望雪

明 陳所立

祁連絕處總燕支到此回看北斗低六月山頭猶戴雪
風吹落薊門西

界嶺

明 劉景耀

界嶺連雲際陽河入海流山川胡地近風雨漢宮秋處處
嚴烽火朝朝逐馬牛誰憐漢飛將白首不封侯

桃林

劉景耀

野水年年去不還荒林面面出高山小舟晚泊鴛鴦渚畫

永平府志

卷之二十三 詩

三

角秋生虎豹關出塞將軍誰俠骨中原赤子正愁顏悲笳
遙對啼猿急暮日爭如歸鳥閑

秋日建昌有警

明 徐學古

秋氣何蕭索千山落木空黃霾吹野戍赤羽急 碣石
雕戈擁榆關鐵騎雄將軍頻授鉞一戰報重瞳

春日渡榆關聞遠鐘并聞海潮

明 范志完

榆關西去渡危橋溪水涓涓月半霄彈指三生俱夢幻鐘
聲遙帶五更潮

石門道上

范志完

四月邊城始覺春依依楊柳映青蘋石橋隔岸遙相望犬

吹花村門倚人

出大古路燒荒

范志完

九月莎枯鴻雁鳴將軍躍馬出長城旌旗光閃風雲變鉦鼓聲摧鳥雀驚烟霧橫巒驅虎豹火光燭海吼鼉鯨赭山不數秦皇事焚澤應推伯益名

夷齊廟

朝鮮
柳夢寅

首陽蒼翠鬱嵯峩灤水悠悠也自波士俗尙聞孤竹廟邦人能唱採薇歌一時賢士知俱出萬古高名問孰多此地清風吹不盡荒臺只是舊山河

永平府志

卷之三十三

詩

三

